

Broj: 05-02-2-330/2023
Sarajevo, 04.08.2023. godine

FEDERACIJA BOSNE I HERCEGOVINE
PARLAMENT FEDERACIJE BIH
ZASTUPNIČKI/PREDSTAVNIČKI DOM
n/r sekretara, Ivan Miličević

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno:			
Org. jed.	Broj	Priloga	Vrijednosť
05/1	-02-	254	123

PREDMET: Odgovor na inicijativu zastupnika Raguž Slavena, dostavlja se
VEZA: - akt Vlade Federacije Bosne i Hercegovine broj: 03-04-749-4/23 od 28.07.2023. god.;
- akt sekretara Zastupničkog/Predstavničkog doma Parlamenta Federacije Bosne i Hercegovine broj: 05/1-02-254/23 od 26.07.2023. god.

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu zastupnika Slavena Raguža iz Zastupničkog/Predstavničkog doma Parlamenta Federacije Bosne i Hercegovine, broj i datum navedeni u vezi, koja je upućena Vladi Federacije Bosne i Hercegovine (u daljem tekstu: Vlada Federacije BiH) i kojom se od Vlade Federacije BiH traži „Hitna pomoć u procjeni štete u poljoprivredi i građevinskim objektima prouzrokovane nevremenom koji je pogodio Županiju Posavsku te iznalaženja finansijskih sredstava pomoći istima“.

Vezano za podnesenu zastupničku inicijativu ističemo sljedeće:

U skladu sa odredbama Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/05, 52/09, 56/09 i 36/14) regulisano je da poslove utvrđivanja vrste i visine štete koje nastanu na materijalnim dobrima od djelovanja prirodnih i drugih nesreća vrše komisije za procjenu šteta (Federalna, kantonalne i općinske/gradske). Procjenu šteta na materijalnim dobrima izazvanim prirodnim i drugim nesrećama neposredno vrše općinske/gradske komisije, a u slučajevima većih prirodnih i drugih nesreća, mogu se formirati i posebne stručne komisije. Navedene aktivnosti su u isključivoj nadležnosti općine/grada.

Vezano za nadležnost FUCZ kada je u pitanju dodjela finansijskih sredstava općinama/gradovima, odnosno kantonima kao pomoć tokom, te nakon prirodnih i drugih nesreća, Odlukom o uslovima i načinu korištenja sredstava ostvarenih na osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20-u daljem tekstu: Odluka o uslovima i načinu korištenja sredstava posebne naknade) regulisana su sva pitanja koja se odnose na uslove i postupak traženja i dodjele pomoći općinama i kantonima od strane Federacije Bosne i Hercegovine za štete koje nastanu djelovanjem prirodne ili druge nesreće.

Tačkom VI. stav 3. Odluke o uslovima i načinu korištenja sredstava posebne naknade propisano je da u hitnim slučajevima rukovodilac Federalne uprave civilne

zaštite može donijeti odluku o isplati pojedinačne akontacije u visini od 20.000,00 KM, s tim da zahtjev mora biti dostavljen u skladu sa propisanom procedurom (preko vlada kantona, odnosno kantonalnih komisija za procjenu štete), na propisanim obrascima i kompletnom dokumentacijom. Za iznos isplaćenih akontativnih sredstava, izvršit će se umanjenje konačnog iznosa pomoći koja se kasnije, nakon što komisije za procjenu štete izvrše kompletan postupak procjene štete, te izrade zbirne izvještaje, može se zatražiti od viših nivoa vlasti zahtjevom za dodjelu jednokratne novčane pomoći (najkasnije u roku od tri mjeseca od dana kada nadležno tijelo općine/grada proglaši prestanak stanja prirodne ili druge nesreće).

Rješavanje zahtjeva za dodjelu jednokratne novčane pomoći dio je nadležnosti Federalne komisije za procjenu štete, radnog tijela Vlade Federacije Bosne i Hercegovine koje, Vladi Federacije BiH dostavlja zbirni izvještaj o procijenjenim štetama, te Vladi Federacije BiH i Federalnom štabu civilne zaštite (u daljem tekstu: FŠCZ) predlaže bliže kriterije i prioritete za pružanje jednokratne pomoći kantonima i općinama/gradovima za otklanjanje šteta nastalih od prirodnih i drugih nesreća.

Procedura dodjele jednokratne novčane pomoći je regulisana Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća ("Službene novine Federacije BiH", br. 60/06, 8/10 i 21/14 u daljem tekstu: Odluka o postupku i kriterijima za dodjelu). Sva pitanja koja se odnose na rokove, uslove i postupak traženja i dodjele jednokratne novčane pomoći općinama i kantonima od strane Federacije Bosne i Hercegovine za štete koje nastanu djelovanjem prirodne ili druge nesreće, su obuhvaćena odredbama prethodno navedene Odluke. Konkretno odredbama tačke IV. Odluke o postupku i kriterijima za dodjelu, utvrđeni su uslovi kada se pomoć može tražiti iz sredstava Federacije Bosne i Hercegovine, te je određena i procedura za podnošenje zahtjeva za dodjelu jednokratne pomoći za hitne intervencije i za dodjelu jednokratne pomoći za saniranje šteta. Zahtjevom općina/grad prvo traži pomoć od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine/grada ili je dodijelila samo dio tražene pomoći, u tom slučaju vlada kantona zahtjev općine/grada dostavlja Vladi Federacije BiH, odnosno FŠCZ putem FUCZ, koja taj zahtjev dostavlja Federalnoj komisiji za procjenu štete na nadležni postupak, a koji se provodi na način predviđen navedenom Odlukom.

Rezultati procjene šteta iz zbirnih izvještaja, koriste se upravo za odlučivanje o pružanju pomoći nastradalom području iz sredstava koja se planiraju i obezbjeđuju za saniranje posljedica od prirodnih i drugih nesreća, odnosno iz sredstava ostvarenih na osnovu posebne naknade za zaštitu od prirodnih i drugih nesreća ili sredstava budžeta. Napominjemo još jednom, da zahtjev za dodjelu jednokratne pomoći, zajedno sa zbirnim izvještajem i kompletnom pratećom dokumentacijom, a koje analizira Federalna komisija za procjenu štete, mora biti dostavljen najkasnije u roku od tri mjeseca od dana kada je nadležno tijelo općine/grada, odnosno kantona proglasilo prestanak prirodne ili druge nesreće, a kako je to propisano tačkom VIII. stav 4 Odluke o postupku i kriterijima za dodjelu.

Jednokratna novčana pomoć općinama/gradovima, odnosno kantonima za štete nastale djelovanjem prirodnih ili drugih nesreća se, u skladu sa tačkom II. Odluke o postupku i kriterijima za dodjelu, može dodijeliti iz sredstava posebne

naknade (o čemu odlučuje FŠCZ) i iz Budžeta Federacije Bosne i Hercegovine (o čemu odlučuje Vlada Federacije BiH).

Nakon što je olujno nevrijeme dana 19.07.2023. godine zahvatilo područje Posavskog kantona i uzrokovalo velike štete na poljoprivrednim, građevinskim i drugim objektima Vlada Posavskog kantona donijela je 20.07.2023. godine Odluku o proglašenju stanja prirodne nesreće. Općinske/gradska i kantonalna komisija za procjenu šteta izradili su preliminarnu procjenu šteta koja iznosi minimalno 19.445.000,00 KM, te je Vlada Posavskog kantona Federalnoj upravi civilne zaštite dostavila zahtjev za traženje pomoći za hitne intervencije za općine Odžak i Domaljevac-Šamac i Grad Orašje.

S tim u vezi, u skladu sa tačkom VI stav 3. Odluke o uslovima i načinu korištenja sredstava posebne naknade, rukovodilac Federalne uprave civilne zaštite odobrio je isplatu akontacije u pojedinačnom iznosu od po 20.000,00 KM, a u ukupnom iznosu od 60.000,00 KM, za provođenje hitnih mjera na zaštiti i spašavanju ljudi i materijalnih dobara nastalih od olujnog nevremena, općinama Posavskog kantona i to: Gradu Orašje, Općini Odžak i Općini Domaljevac – Šamac.

S poštovanjem,

**P. O. VLADE FEDERACIJE BIH
POMOĆNIK DIREKTORA**

Murat Baručija



Dostaviti:

1. Naslovu, ✓
2. Vlada Federacije Bosne i Hercegovine, na znanje,
3. Federalno ministarstvo finansija/financija, na znanje,
4. Federalno ministarstvo poljoprivrede, vodoprivrede i šumarstva, na znanje,
5. a/a